

**RJEŠENJE**

**po Prijavi namjere koncentracije privrednog subjekta  
"Agrana Zucker GmbH" Beč, Republika Austrija i privrednog subjekta "Studen & Co Holding  
GmbH" Beč, republika Austrija**

**Sarajevo  
Juni 2009. godine**

Broj: 01-04-26-048-26-II /08  
Sarajevo, 4. juna 2009. godine

Na osnovu člana 25. stav (1) tačka e), člana 42. stav (1) tačka d), a u vezi sa članovima 12., 14., 16. i 18. Zakona o konkurenciji ("Službeni glasnik BiH", br. 48/05 i 76/07), rješavajući po Prijavi namjere koncentracije privrednih subjekata "Agrana Zucker GmbH" Donau City Strasse 9, 1220 Beč, Austrija i "Studen & Co Holding GmbH" Wilhelminenstrasse 91/19/2, 1160 Beč, Republika Austrija, podnesenoj putem ovlaštenog zastupnika, advokata Stevana Dimitrijevića, Gundulićeva 4, 78000 Banja Luka, Bosna i Hercegovina, zaprimljenoj dana 06.11.2008. godine, pod brojem: 01-04-26-48-II /08, Konkurencijsko vijeće na 89. (osamdesetdevetoj) sjednici, održanoj dana 4. juna 2009. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu trgovine na veliko prehrambenim proizvodima (šećerom, jestivim uljem, jestivim mastima i rižom) u Bosni i Hercegovini, koja će nastati sticanjem zajedničke kontrole privrednog subjekta "Agrana Zucker GmbH" Beč, Austrija i privrednog subjekta "Studen & Co Holding GmbH" Beč, Austrija nad privrednim subjektom "AGRAGOLD" d.o.o. Brčko Distrikt, Bosna i Hercegovina, kupovinom udjela u osnovnom kapitalu.
2. Ovo Rješenje je konačno i upisuje se u Registar koncentracija.
3. Ovo Rješenje biće objavljeno u "Službenom glasniku BiH", službenim glasilima entiteta i Brčko Distrikta Bosne i Hercegovine.

### **OBRAZLOŽENJE**

Konkurencijsko vijeće je zaprimilo, dana 06.11.2008. godine pod brojem: 01-04-26-048-II /08, zajedničku Prijavu namjere koncentracije (u daljem tekstu: Prijava) privrednog subjekta "Agrana Zucker GmbH" Donau City Strasse 9, 1220 Beč, Austrija (u daljem tekstu: "Agrana Zucker GmbH") i privrednog subjekta "Studen & Co Holding GmbH" Wilhelminenstrasse 91/19/2, 1160 Beč, Republika Austrija (u daljem tekstu: "Studen & Co Holding GmbH") (u osnovnom kapitalu "Agrana Zucker GmbH" i u osnovnom kapitalu "Studen & Co Holding GmbH", u daljem tekstu: Podnosioci prijave) podnesenu putem advokata Stevana Dimitrijevića, Gundulićeva 4, 78000 Banja Luka, Bosna i Hercegovina.

Namjera privrednog subjekta "Agrana Zucker GmbH" i privrednog subjekta "Studen & Co Holding GmbH", je sticanje zajedničke kontrole nad privrednim subjektom "AGRAGOLD" d.o.o. za proizvodnju, promet i usluge, Bijeljinska 9, Brčko Distrikt Bosne i Hercegovine (u daljem tekstu: "AGRAGOLD").

Podnosioci prijave su samoinicijativno dostavili dopunu Prijave, dana 10.11.2008. godine podneskom broj: 01-04-26-048-1-II /08.

Konkurencijsko vijeće uvidom u Prijavu je utvrdilo da ista nije kompletna i potpuna u smislu člana 30. Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterija za ocjenu koncentracija privrednih subjekata (Službeni glasnik BiH, broj: 95/06), te je zatražilo dopunu iste, u smislu člana 31. Zakona.

Podnosioci prijave, u smislu člana 31. Zakona, na zahtjev Konkurencijskog vijeća su dopunili Prijavu (podnesak od dana 17.11.2008. godine broj: 01-04-26-048-3-II /08, dana 27.11.2008. godine broj: 01-04-26-048-5-II /08, dana 26.12.2008. godine broj: 01-04-26-048-9-II /08, dana 29.12.2008. godine broj: 01-04-26-048-10-II /08, dana 30.12.2008. godine broj: 01-04-26-048-11-II /08, dana 26.01.2009. godine

broj: 01-04-26-048-13-II /08, dana 28.01.2009. godine broj: 01-04-26-048-14-II /08, dana 02.02.2009. godine broj: 01-04-26-048-16-II /08, dana 12.02.2009. godine broj: 01-04-26-048-17-II /08, dana 23.02.2009. godine broj: 01-04-26-048-19-II /08 i dana 13.03.2009. godine broj: 01-04-26-048-21-II /08).

Prijemom tražene dokumentacije Konkurencijsko vijeće je izdalo Potvrdu o kompletnoj i urednoj Prijavi, dana 31.03.2009. godine broj: 01-04-26-048-22-II /08, u smislu člana 30. stav (3) Zakona.

Podnosioci prijave su naveli, u smislu člana 30. stav (2) Zakona, da će zahtjev za ocjenu koncentracije podnijeti nadležnim tijelima za zaštitu konkurencije u Republici Srbiji, Republici Sloveniji i Republici Austriji.

U postupku ocjene Prijave Konkurencijsko vijeće je utvrdilo sljedeće činjenice:

Prijava je podnesena u propisanom roku od osam dana, u skladu sa članom 16. stav (1) Zakona.

## **1. Učesnici koncentracije**

Učesnici koncentracije su privredni subjekt "Agrana Zucker GmbH" Donau City Strasse 9, 1220 Beč, Republika Austrija, privredni subjekt "Studen & Co Holding GmbH" Wilhelminenstrasse 91/19/2, 1160 Beč, Republika Austrija i privredni subjekt "AGRAGOLD" d.o.o. Bijeljinska 9, Brčko Distrikt Bosne i Hercegovine, Bosna i Hercegovina.

### **1.1. Privredni subjekt "Agrana Zucker GmbH" Beč, Republika Austrija**

Privredni subjekt "Agrana Zucker GmbH", Donau City Strasse 9, 1220 Beč, Republika Austrija je registrovan u Trgovačkom sudu u Beču, dana 21.10.1988. godine, pod registarskim brojem FN 51929 t.

Privredni subjekt "Agrana Zucker GmbH", u sastavu je Agrana Grupe, koja ima ukupno 54 proizvodna subjekta locirana na pet kontinenata.

Vlasnik privrednog subjekta "Agrana Zucker GmbH" sa (...) <sup>1</sup>% udjela u osnovnom kapitalu je privredni subjekt "Agrana Beteiligungs-Aktiengesellschaft" Beč, Republika Austrija, u kojem privredni subjekt "Z & S Zucker und Stärke Holding AG" Beč, Republika Austrija ima (...) % udjela u osnovnom kapitalu.

Osnovne djelatnosti privrednog subjekta "Agrana Zucker GmbH" su proizvodnja i distribucija šećera i skroba, prerada voća i proizvodnja koncentrovanih voćnih sokova.

Privredni subjekt "Agrana Zucker GmbH" na tržištu Bosne i Hercegovine djeluje preko povezanog društva, privrednog subjekta "STUDEN-AGRANA" Rafinerija šećera d.o.o. Brčko Distrikt Bosne i Hercegovine.

#### **1.1.1. Povezana društva privrednog subjekta "Agrana Zucker GmbH" u Bosni i Hercegovini**

Privredni subjekt "Agrana Zucker GmbH" ima (...) % udjela u osnovnom kapitalu privrednog subjekta "STUDEN-AGRANA Rafinerija šećera" d.o.o. Brčko Distrikt Bosne i Hercegovine, Bijeljinska 9 (u daljem tekstu: "STUDEN-AGRANA" Rafinerija šećera), a (...) % udjela u osnovnom kapitalu ima privredni subjekt "Studen & Co Holding GmbH".

Privredni subjekt "STUDEN-AGRANA" Rafinerija šećera, registrovan je u registru Osnovnog suda Brčko Distrikta Bosne i Hercegovine, dana 02.11.2002. godine, sa matičnim registarskim brojem 1-1735.

---

<sup>1</sup> (...) Podaci se smatraju poslovnom tajnom u smislu člana 38. Zakona o konkurenciji

Osnovna djelatnost privrednog subjekta "STUDEN-AGRANA" Rafinerija šećera je proizvodnja šećera.

Član uprave privrednog subjekta "STUDEN-AGRANA" Rafinerija šećera, Ilija Studen, je direktor u povezanom društvu, privrednom subjektu "BIMAL" d.d. Brčko Distrikt Bosne i Hercegovine.

## 1.2. Privredni subjekt "Studen & Co Holding GmbH" Beč, Republika Austrija

Privredni subjekt "*Studen & Co Holding GmbH*" *Wilhelminenstrasse 91/19/2*, 1160 Beč, Republika Austrija je registrovan u Trgovačkom sudu u Beču, dana 30.01.1999. godine pod registarskim brojem FN 178958 z.

Privredni subjekt "Studen & Co Holding GmbH" je u vlasništvu fizičkog lica Ilije Studena, (..)\*, sa (..)\* % udjelom u osnovnom kapitalu, fizičkog lica Slobodana Stefanović, (..)\*, sa (..)\* % udjelom u osnovnom kapitalu i fizičkog lica Saša Studen, (..)\*, sa (..)\* % udjelom u osnovnom kapitalu.

Osnovne djelatnosti privrednog subjekta "Studen & Co Holding GmbH" (Studen Grupa), su proizvodnja, distribucija i trgovina bijelim i sirovim šećerom, trgovina uljaricama, proizvodnja jestivog ulja, te distribucija kafe i proteinskih jela.

Privredni subjekt "Studen & Co Holding GmbH" na tržištu Bosne i Hercegovine je prisutan, preko svojih povezanih društava, privrednog subjekta "Studen & Co. Gesellschaft m.b.H." Beč, Republika Austrija i "AGRAGOLD".

Privredni subjekt "Studen & Co. Gesellschaft m.b.H." *Wilhelminenstrasse 91/19/2*, 1160 Beč, Austrija (u daljem tekstu: "Studen & Co. Gesellschaft m.b.H.") je registrovan u Trgovačkom sudu u Beču dana 20.11.1992. godine, pod registarskim brojem FN 38155 k, a u vlasništvu je fizičkog lica Ilije Studena sa (..)\* % udjela, fizičkog lica Saše Studena sa (..)\* % udjela i fizičkog lica Slobodana Stefanovića sa (..)\* % udjela.

### 1.2.1. Povezana društva privrednog subjekta "Studen & Co Holding GmbH" u Bosni i Hercegovini

Povezana društva privrednog subjekta "Studen & Co Holding GmbH", u Bosni i Hercegovini, su:

Tabela 1.

R.b.	Naziv privrednog subjekta	Vlasnički udio	Osnovna djelatnost
1.	"STUDEN-AGRANA" Rafinerija šećera (posredstvom "Agrana-Studen Beteiligungs GmbH" u kojem ima (..)* %)	(..)* %	Proizvodnja šećera
2.	"AGRAGOLD" (posredstvom "SCO-AREX Holding GmbH" u kojem ima 51,0%)	100,0%	Trgovina na veliko šećerom, jestivim uljem, jestivim mastima i rižom
3.	"CEROL" d.o.o. Brčko Distrikt, (posredstvom "SCO-AREX Holding GmbH" u kojem ima (..)* %)	(..)* %	Distribucija uljanih derivata, Trgovina na malo motornim gorivima i mazivima
4.	"STUDEN & CO.AREX" d.o.o. Gradačac (posredstvom "SCO-AREX Holding GmbH" u kojem ima (..)* %)	(..)* %	Distribucija uljanih derivata, Trgovina na malo motornim gorivima i mazivima, Pakovanje šećera
5.	"BIMAL" d.d. Brčko Distrikt (posredstvom "SCO-AREX Holding GmbH" u kojem ima 51%, koji dalje ima 50,0% u "See Oil Holdings GmbH" Beč, Austrija, a koji je vlasnik "BIMAL" d.d. Brčko sa (..)* %)	(..)* %	Proizvodnja jestivog ulja, jestivih masti i proteinskih obroka

Izvor: podaci iz Prijave

Privredni subjekt "CEROL" d.o.o. Brčko Distrikt Bosne i Hercegovine, Cerik bb (u daljem tekstu: "CEROL"), registrovan je u sudskom registru Osnovnog suda Brčko Distrikta Bosne i Hercegovine, dana 13.11.2002. godine, pod matičnim registarskim brojem 1-543.

Privredni subjekt "STUDEN & CO.AREX" d.o.o. Gradačac, Kerep bb (u daljem tekstu: "STUDEN & CO.AREX"), registrovan je u sudskom registru Opštinskog suda u Tuzli, dana 04.02.2002. godine, pod matičnim registarskim brojem 1-12388.

Privredni subjekt "BIMAL" d.d. Brčko Distrikt Bosne i Hercegovine, Bijeljinska 9 (u daljem tekstu: "BIMAL"), registrovan je u sudskom registru Osnovnog suda Brčko Distrikta Bosne i Hercegovine, dana 30.07.2002. godine, pod matičnim registarskim brojem 1-323.

Član uprave privrednog subjekta "BIMAL", direktor Ilija Studen, istovremeno je direktor u povezanom društvu, privrednom subjektu "STUDEN – AGRANA" Rafinerija šećera.

### 1.3. Privredni subjekt "AGRAGOLD" d.o.o. Brčko Distrikt Bosne i Hercegovine

Privredni subjekt "AGRAGOLD" d.o.o. za proizvodnju, promet i usluge, Bijeljinska 9, Brčko Distrikt Bosne i Hercegovine, registrovan dana 14.11.2002. godine u Osnovnom sudu Brčko Distrikta Bosne i Hercegovine, pod matičnim registarskim brojem 1-542.

Privredni subjekat "SCO-AREX Holding GmbH" je 100,0% vlasnik privrednog subjekta "AGRAGOLD".

Osnovne djelatnosti privrednog subjekta "AGRAGOLD" su trgovina na veliko prehrambenim proizvodima, uglavnom šećerom, i jestivim uljem, jestivim mastima i rižom.

Član uprave privrednog subjekta "AGRAGOLD" Ekrem Hanić je direktor u povezanom društvu, privrednom subjektu "STUDEN & CO.AREX" i zamjenik direktora u povezanom društvu, privrednom subjektu "CEROL".

Privredni subjekt "AGRAGOLD" na tržištu Bosne i Hercegovine nema povezanih privrednih subjekata u kojima ima 10,0% ili više udjela u osnovnom kapitalu ili 10,0% ili više prava glasa.

## 2. Obaveza prijave namjere koncentracije

Obaveza prijave namjere koncentracije privrednih subjekata, u smislu odredbe člana 14. stav (1) tačka a) Zakona, postoji ako ukupni godišnji prihod učesnika koncentracije ostvaren prodajom roba i/ili usluga na svjetskom tržištu, iznosi 100.000.000,00 KM, po završnom računu u godini koja je prethodila predmetnoj koncentraciji.

Ukupni godišnji prihodi privrednih subjekata učesnika predmetne koncentracije (i povezanih privrednih subjekata), na dan 31. decembra 2007. godine, iznose:

Tabela 2.

Ukupan prihod	Agrana Grupa	Studen Grupa	Agrana Zucker GmbH	Studen & Co Holding GmbH	AGRAGOLD
B i H	-	(..)*	-	-	(..)*
Svijet	(..)*	(..)*	(..)*	(..)*	-

Izvor: podaci iz Prijave

Konkurencijsko vijeće je utvrdilo da privredni subjekti učesnici koncentracije u 2007. godini, te su ispunjeni uslovi za obavezu prijave namjere koncentracije, u skladu sa članom 14. stav (1) tačka a)

Zakona, pri čemu je najmanje jedan privredni subjekt učesnik koncentracije registrovan na teritoriji Bosne i Hercegovine.

Pored podataka o ukupnom prihodu učesnika koncentracije (Tabela 2.) uzeti su i ukupni godišnji prihodi koje je ostvarila Agrana Grupa i Studen Grupa.

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

### **3. Pravni okvir ocjene predmetne koncentracije**

Konkurencijsko vijeće tokom provođenja postupka ocjene dopuštenosti predmetne koncentracije primijenilo je odredbe Zakona, Odluke o utvrđivanju relevantnog tržišta ("Službeni glasnik BiH", broj 18/06), te Odluke o načinu podnošenja prijave i kriteriji za ocjenu koncentracija privrednih subjekata.

### **4. Pravni osnov i oblik koncentracije**

Pravni osnov koncentracije je Ugovor o kupovini udjela (u daljem tekstu: Ugovor), zaključen u Banja Luci, dana 03.11.2008. godine, između privrednog subjekta "SCO-AREX Holding GmbH", i privrednog subjekta "Agragold Holding GmbH".

Predmetnim Ugovorom privredni subjekt "Agrana Zucker GmbH" i privredni subjekt "Studen & Co Holding GmbH" namjeravaju putem svog povezanog društva, privrednog subjekta "Agrana-Studen Beteiligungs GmbH", nad kojim imaju zajedničku kontrolu sa po 50,0% udjela, a koji je 100,0% vlasnik privrednog subjekta "Agragold Holding GmbH" Wilhelminenstrasse 91/19/2, 1160 Beč, Republika Austrija (u daljem tekstu: "Agragold Holding GmbH"), steći zajedničku kontrolu nad privrednim subjektom "AGRAGOLD".

Sticanje zajedničke kontrole se ostvaruje prenosom 100,0% udjela osnovnog kapitala u privrednom subjektu "AGRAGOLD" sa privrednog subjekta "SCO-AREX Holding GmbH" Wilhelminenstrasse 91/19/2, 1160 Beč, Republika Austrija (u daljem tekstu: "SCO-AREX Holding GmbH"), na kupca privrednog subjekta "Agragold Holding GmbH".

Privredni subjekt "Studen & Co Holding GmbH" ima 51,0% vlasničkog udjela u privrednom subjektu "SCO-AREX Holding GmbH".


Privredni subjekt "Agragold Holding GmbH", je u 100,0% vlasništvu privrednog subjekta "Agrana-Studen Beteiligungs GmbH" Donau City Strasse 9, 1220 Beč, Republika Austrija (u daljem tekstu: "Agrana-Studen Beteiligungs GmbH").

Privredni subjekt "Agrana-Studen Beteiligungs GmbH" je pod zajedničkom kontrolom privrednog subjekta "Studen & Co Holding GmbH", koji posjeduje 50,0% vlasničkog udjela, a drugih 50,0% se nalazi u vlasništvu privrednog subjekta "Agrana BiH Holding GmbH" Donau City Strasse 9, 1220 Beč, Austrija (u daljem tekstu: "Agrana BiH Holding GmbH"), koji je u 75,0% vlasništvu privrednog subjekta "Agrana Zucker GmbH".


Provođenjem predmetne koncentracije privredni subjekt "AGRAGOLD", sa dosadašnje jedinstvene kontrole privrednog subjekta "Studen & Co Holding GmbH", imao bi zajedničku kontrolu od privrednog subjekta "Agrana Zucker GmbH" i privrednog subjekta "Studen & Co Holding GmbH".

Vlasnička struktura učesnika u koncentraciji i njihovih povezanih društava prije provođenja koncentracije (Dijagram 1.) i nakon provođenja koncentracije (Dijagram 2.).

Dijagram 1.



Dijagram 2.



Pravni oblik koncentracije u skladu sa članom 12. stav (1) tačka b) pod 1) Zakona, predstavlja sticanje kontrole više privrednih subjekata nad drugim privrednim subjektom, kupovinom većinskog udjela osnovnog kapitala.

## 5. Relevantno tržište

Relevantno tržište, u smislu člana 3. Zakona o konkurenciji, te članova 4. i 5. Odluke o utvrđivanju relevantnog tržišta ("Službeni glasnik BiH", broj 18/06), čini tržište određenih proizvoda i/ili usluga koji su predmet obavljanja djelatnosti na određenom geografskom području.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište prema predmetu poslovanja za predmetnu koncentraciju je tržište trgovine na veliko prehrambenim proizvodima (šećerom, jestivim uljem, jestivim mastima i rižom). Relevantno tržište prema teritoriji na kojoj posluju učesnici koncentracije je Bosna i Hercegovina.

Na osnovu navedenog kao relevantno tržište predmetne koncentracije utvrđeno je tržište trgovine na veliko prehrambenim proizvodima (šećerom, jestivim uljem, jestivim mastima i rižom) u Bosni i Hercegovini.

## 6. Analiza relevantnog tržišta

Konkurencijsko vijeće na osnovu podataka iz Prijave izvršilo je analizu udjela učesnika u koncentraciji i njihovih konkurenata na relevantnom tržištu, obrađujući svaki segment tržišta posebno (šećer, jestivo ulje, jestive masti i riža).

Tržišni udjeli učesnika u koncentraciji (sa povezanim društvima) i konkurenata na tržištu trgovine na veliko šećerom u Bosni i Hercegovini za 2007. godinu:

Tabela 3.

R.b	Privredni subjekt	Tržišni udio
1.	"Studen & Co Holding GmbH"	-
2.	"Studen & Co. Gesellschaft m.b.H."	(..)* %
3.	"AGRAGOLD"	(..)* %
4.	"ED & F Man Holding Ltd" London, V.Britanija	(..)* %
5.	"Tate & Lyle PLC" London, V.Britanija	(..)* %
6.	"CARGILL" Mineapolis, SAD	(..)* %
7.	"Agrana Zucker GmbH"	-
Ukupno		100,0%

Izvor: podaci iz Prijave

Na tržištu trgovine na veliko šećerom u Bosni i Hercegovini privredni subjekt "Studen & Co Holding GmbH" preko povezanih društava, privrednog subjekta "Studen & Co. Gesellschaft m.b.H." i privrednog subjekta "AGRAGOLD" ima tržišni udio oko (..)\* % ((..)\* % privredni subjekt "Studen & Co. Gesellschaft m.b.H.", i (..)\* % privredni subjekt "AGRAGOLD").

Tržišni udjeli učesnika u koncentraciji (sa povezanim društvima) i konkurenata na tržištu trgovine na veliko jestivim uljem u Bosni i Hercegovini za 2007. godinu:

Tabela 4.

R.b	Privredni subjekt	Tržišni udio
1.	"Studen & Co Holding GmbH"	-
2.	"AGRAGOLD"	(..)* %
3.	"Bunge/Floriol" Budimpešta, Mađarska	(..)* %
4.	"Zvijezda" d.d. Zagreb, Hrvatska	(..)* %
5.	"Dijamant" a.d. Zrenjanin, Srbija	(..)* %
6.	"Agrana Zucker GmbH"	-
7.	Ostali	(..)* %
Ukupno		100,0%

Izvor: podaci iz Prijave

Na tržištu trgovine na veliko jestivim uljem u Bosni i Hercegovini privredni subjekt "Studen & Co Holding GmbH" preko povezanog društva, privrednog subjekta "AGRAGOLD" ima tržišni udio od oko (..)\* %.



Tržišni udjeli učesnika u koncentraciji (sa povezanim društvima) i konkurenata na tržištu trgovine na veliko jestivim mastima (margarinom) u Bosni i Hercegovini za 2007. godinu:

Tabela 5.

R.b	Privredni subjekt	Tržišni udio
1.	"Studen & Co Holding GmbH"	-
2.	"AGRAGOLD"	(..)* %
3.	"Zvijezda" d.d. Zagreb, Hrvatska	(..)* %
4.	"Vital" a.d. Vrbas, Srbija	(..)* %
5.	"Dijamant" a.d. Zrenjanin, Srbija	(..)* %
6.	"Agrana Zucker GmbH"	-
	Ukupno	100,0%

Izvor: podaci iz Prijave

Na tržištu trgovine na veliko jestivim mastima (margarinom) u Bosni i Hercegovini privredni subjekt "Studen & Co Holding GmbH" preko povezanog društva, privrednog subjekta "AGRAGOLD" ima tržišno učešće (..)\* %.

Na tržištu trgovine na veliko rižom u Bosni i Hercegovini privredni subjekt "Studen & Co Holding GmbH" preko povezanih društava, privrednih subjekata "Studen & Co. Gesellschaft m.b.H." i "AGRAGOLD" ima tržišni udio (..)\* %.

## 7. Ocjena predmetne koncentracije

Konkurencijsko vijeće je prilikom provođenja postupka za donošenje ovog Rješenja analiziralo i procijenilo sve relevantne podatke i činjenice, u smislu člana 17. Zakona ocijenilo da provođenje predmetne koncentracije neće narušiti postojeću tržišnu konkurenciju na relevantnom tržištu, iz razloga što se predmetnom koncentracijom samo mijenja vlasnička struktura učesnika u koncentraciji i ne dolazi do promjene tržišnih udjela na relevantnom tržištu.

Konkurencijsko vijeće je utvrdilo da se predmetnom koncentracijom privrednih subjekata ne stvara i ne jača dominantan položaj na relevantnom tržištu, te je u smislu člana 18. stav (2) tačka a) Zakona o konkurenciji, ocijenilo predmetnu koncentraciju dopuštenom, kao što je odlučeno u dispozitivu ovog Rješenja.

## 8. Administrativna taksa

Podnosilac Prijave na ovo Rješenje, u skladu s članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskom vijećem ("Službeni glasnik BiH", broj 30/06) dužan je platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## 9. Pouka o pravnom lijeku

Protiv ovog Rješenja nije dozvoljena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**dr. Stjepo Pranjić**